

61. LEONTODON ASPERUM; *foliis dentato-pinnatifidis; scabris, setis utrinque hispidis.*

Caules squamosi, subnudi. Calyces hispidi, squarroso. Semina lœvia. Pappus simplex, longe-plumosus.

Alexandriæ.

CREPIS.

62. CREPIS RADICATA; *foliis sinuatis, dentatis, ciliatis, radicalibus; caulis prostratis, multifloris.*

DESCR. *Caules semispith. prostrati, angulati, hispidi, ramosi; bractea ad ramorum exitum hastato-lanceolata, hispida. Folia sessilia, triplicaria, extrorsum latiora, sinuata, dentibus acutis, pilis hispida, ciliata. Calyx setis nigris. Flores flavi.*

Circa Pyramides. Arab. *Srægha*, aliis *Haudân*. حوجا

LAPSANA.

63 LAPSANA TARAXACOIDES; *scapis unifloris, decumbentibus; foliis pinnatis; pinnis angulato-mucronatis, retrorsum imbricatis.*

DESCR. *Recept. nudum. Pappus simplex, sessilis. Calyx imbricatum calyculatus, laciniis longioribus, extrorsum carinatis, interne canaliculatis. Semina utrinque alata.*

Alexandriæ. Vernalis. Folia Taraxaci.

SCOLYMUS.

64. SCOLYMUS HISPANICUS.

DESCR. *Flores flavi. Calyx imbricatus, margine membranaceus, acutus, non spinosus. Receptaculum paleaceum. Pappus nullus. Bractææ subquinæ, foliiformes, ambientes calycem. Flores extremi inserti laciniis intimis calycis. Folia sinuato-pinnatifida, spinosa, margine venis que albis, decurrentia alis latis, sinuatis, spinosis; unde totus caulis quasi alatus. Folia radicalia longiora, conferta, basi attenuata. Tota planta laetescens.*

Kâhiræ. Arab. Læhlech.

CACALIA.

65. CACALIA PENDULA; *caulis dependentibus, aphyllis; pedunculis terminalibus erectis.*

DESCR. *Caules bicubitalis, ramosi, versus apicem sub-trifidi, carnosæ, imbricati squamis fibulatis, rigidis, siccis, cauli parallelis, plurium ordinum*

(T)